

**BOSNA I HERCEGOVINA**  
Ministarstvo pravde



**БОСНА И ХЕРЦЕГОВИНА**  
Министарство правде

Broj: 08-07-14-8562/09  
Sarajevo, 01.10.2009.godine

**BOSNA I HERCEGOVINA**  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 08.10.2009

Organizaciona jedinica	Klasifikaciona oznaka	Redni broj	Broj priloga

01-10-1-15-59/09

**BOSNA I HERCEGOVINA**  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM

71 000 Sarajevo

**Predmet:** Odgovor na zastupničko pitanje zastupnika Joza Križanovića, dostavlja se

U prilogu akta dostavljamo Vam odgovor na zastupničko pitanje koje je na 59. sjednici Predstavničkog doma Parlamentarne skupštine Bosne i Hercegovine, održane 02.09.2009. godine, postavio zastupnik Jozo Križanović.

S poštovanjem.

**Dostavljeno:**

- Naslovu,
- A/a.



**MINISTAR**

**Bariša Čolak**



Broj: 08-07-14-8562/09  
Sarajevo, 30.09.2009. godine

Jozo Križanović, zastupnik Predstavničkog doma Parlamentarne skupštine Bosne i Hercegovine, na 59. sjednici Predstavničkog doma, izrazio je nezadovoljstvo odgovorom na pitanje postavljeno na trećoj posebnoj zajedničkoj sjednici oba doma Parlamentarne skupštine Bosne i Hercegovine o temi "Izaslanici/Zastupnici pitaju – Vijeće ministara BiH odgovora", u vezi ne donošenja Zakona o restituciji (denacionalizaciji), te zatražio ponovni odgovor na pitanje:

- "Kome je do sada izvršen povrat imovine,
- Kakva je struktura imovine,
- Kolika je njena vrijednost,
- Na temelju kojih propisa je to urađeno? i
- Istovremeno zahtjeva stav Vijeća ministara BiH, o stvarnim problemima u vezi donošenja ovog Zakona i roku donošenja istog?"

Na postavljeno pitanje Vijeće ministara Bosne i Hercegovine je na \_\_\_\_ sjednici održanoj \_\_\_\_\_ godine, utvrdilo slijedeći

#### **ODGOVOR**

Ministarstvo pravde Bosne i Hercegovine je, na zastupničko pitanje zastupnika Jozе Križanovića, aktom broj: 08-07-14-8562/09 od 21.07.2009. godine, uputilo odgovor Predstavničkom domu Parlamentarne skupštine Bosne i Hercegovine, u kome je navedeno:

- Da je pitanje imovine koja je predmetom povrata ili privatizacije u Bosni i Hercegovini, uređeno:
  - Okvirnim zakonom o privatizaciji preduzeća i banaka u Bosni i Hercegovini ("Službeni glasnik BiH", broj 64/99), čiji je cilj uspostavljanje sigurnog pravnog okvira za postupak privatizacije preduzeća i banaka, kojim je istovremeno priznato pravo entiteta da privatiziraju preduzeća i banke smještene na njihovoj teritoriji, u skladu sa propisima koji usvoje Parlamenti entiteta;
  - Zakonima entiteta i Brčko Distrikta Bosne i Hercegovine o vraćanju privremeno napuštenih nekretnina u svojini građana i napuštenim stanovima i
  - Odlukom Visokog predstavnika u Bosni i Hercegovini, kojom organi entiteta u Bosni i Hercegovini ne mogu raspolagati, dodjeljivati, vršiti prijenos, prodavati niti davati na korištenje ili podzakup imovinu u državnom vlasništvu, uključujući raniju imovinu u drištvenom vlasništvu, izuzev stanova u društvenom vlasništvu („Službeni glasnik BiH“ broj 13/00) od 27.04.2000. godine, u cilju onemogućavanja različitog pristupa entiteta po pitanju, raspolaganja imovinom u državnom vlasništvu. Ova Odluka se ne odnosi na radnje preduzete u svrhu restitucije imovine vlasnika, prije nacionalizacije, kao ni u svrhu privatizacije u skladu sa entitetskim zakonima, a kojim je konkretno regulisana ova meterija.
- Da je evidentno da po pitanju povrata imovine, postoje primjeri selektivnog povrata imovine crkvama i vjerskim zajednicama u Bosni i Hercegovini, koje su i faktički ušle u posjed tih nekretnina;

- Da je Vijeće ministara Bosne i Hercegovine na 63. sjednici, održanoj 29.06.2004. godine, kada je u pitanju donošenje Zakona o restituciji (denacionalizaciji), donijelo Odluku kojom se uspostavlja Komisija za restituciju. Zadatak ove Komisije bio je pripremanje i izrada prijedloga Zakona o restituciji u Bosni i Hercegovini;
- Da je Komisija za restituciju u nekoliko navrata ponudila tekst Zakona, koji je upućivan u proceduru, ali do danas isti nije usvojen;
- Da je u međuvremenu Ministarstvo pravde Bosne i Hercegovine, pripremlilo novi prijedlog Zakona o denacionalizaciji, kojim bi se uredile osnove i postupak vraćanja ili naknade za nepokretnu ili pokretnu imovinu koja je prinudno prenijeta u opštenarodnu, državnu, zadružnu imovinu, odnosno društveno vlasništvo, na osnovu zakona i drugih propisa, ili na osnovu prisilno iznuđenog pravnog posla bez pravne osnove, u periodu od 01.01.1945. godine, do dana stupanja na snagu ovog zakona;
- Da je Prijedlog zakona o denacionalizaciji u postupku javnih konsultacija i
- Da Ministarstvo pravde Bosne i Hercegovine ne raspolaže podacima na osnovu kojih bi se mogao dati odgovor na pitanja kome je do sada izvršen povrat imovine, strukturu te imovine, kao i njene vrijednosti.

Istim aktom, ste obavješteni da će Ministarstvo pravde Bosne i Hercegovine, u vezi pribavljanja podataka koji se odnose na povrat imovine, strukturu imovine kao i vrijednost iste, kontaktirati nadležne institucije svih nivoa vlasti, te da će na osnovu dostavljenih podataka informisati zastupnika Jozu Križanovića.

U cilju pribavljanja naprijed navedenih podataka, Ministarstvo pravde Bosne i Hercegovine se pismeno obratilo Agenciji za privatizaciju Federacije Bosne i Hercegovine i Direkciji za privatizaciju Republike Srpske tj. Investiciono-razvojnoj banci Republike Srpske.

Agencija za privatizaciju Federacije Bosne i Hercegovine je, aktom broj: 04-19-1249-1/09 od 03.08.2009. godine, dostavila odgovor, u kom je navedeno da ovo pitanje nije u nadležnosti ove institucije već da je segmentarno rješavanje ovog pitanja bilo u nadležnosti ministarstava Federacije Bosne i Hercegovine i Kantona.

Investiciono-razvojna banka Republike Srpske je, aktom broj: 10-146-2/09 od 28.08.2009. godine, dostavila odgovor, u kom je navedeno da se u službenoj evidenciji ove institucije ne nalazi dokumentacija koja se odnosi na ova pitanja i da se ministarstvo upućuje, da se za pribavljanje istih, obrati nadležnim institucijama Republike Srpske.

Obzirom da Ministarstvo pravde Bosne i Hercegovine nije dobilo odgovore na postavljena pitanja, pismeno smo se obratili Vladama Eniteta radi obezbjeđenja dostave podataka nadležnih institucija koje raspolažu službenim evidencijama odnosno dokumentacijom koja se odnosi na povrat imovine, strukturu imovine kao i vrijednost iste, o čemu će se blagovremeno izvjestiti zastupnik Jozo Križanović.

Kada je u pitanju donošenje Prijedlog zakona o denacionalizaciji, isti je bio predmetom javnih konsultacija u periodu od 06.07.2009. do 07.08.2009. godine. Prispjeli komentari, na Prijedlog zakona o denacionalizaciji, su razmotreni tako da je Prijedlog zakona pripremljen radi upućivanja nadležnim institucijama na davanje mišljenja.